

SA PUDDA PULIGHITA



Sa Pudda Pulighita

PULIGHITA FIAT UNA PUDDA CHI NON CHERIAT FÀGHERE SOS OOS. SA MERE SUA TANDO ANDEIT A DOMO DE SA COMARE PRO SI FÀGHERE PRESTARE UN'OU, PRO NCHE CONCHINARE A PULIGHITA A B'INTRARE A CRIARE: IN SUSTÀNTZIA A FÀGHERE SU CHI DEVET FÀGHERE UNA PUDDA.

“PULIGHITA, SOS OOS PONE-DI A FÀGHERE, PRO TORRARE S'OU A COMARE”.

“NONO, NON NDE FATO”.

“MATZONE, LEA A PULIGHITA, CHI SOS OOS NON CHERET FÀGHERE, PRO TORRARE S'OU A COMARE”.

“NONO, NON LA LEO”.



“CANE, MÒSSIGA SU MATZONE, CHI NON CHERET LEARE A PULIGHITA,
CHI SOS OOS NON SI PONET A FÀGHERE, PRO TORRARE S’OU A
COMARE”.


“NONO, NON LU MÒSSIGO”.

“FUSTE, ISCUDE SU CANE, CA SU CANE NON CHERET MOSSIGARE SU
MATZONE, CA SU MATZONE NON CHERET LEARE A PULIGHITA, CHI SOS
OOS NON SI PONET A FÀGHERE PRO TORRARE S’OU A COMARE”.

“NONO, NON LU DOMO”

“FOGU, BRÙSIA SU FUSTE, CA FUSTE NON CHERET ISCÙDERE SU CANE,
CA SU CANE NON CHERET MOSSIGARE SU MATZONE, CA SU MATZONE
NON CHERET LEARE A PULIGHITA, CHI SOS OOS NON SI PONET A
FÀGHERE PRO TORRARE S’OU A COMARE”.

“NONO, NON LU BRÙSIO”.






ABBA, ISTUDA-NCHE SU FOGU, CA SU FOGU NON CHERET BRUSIARE SU FUSTE, CA SU FUSTE NON CHERET ISCÙDERE SU CANE, CA SU CANE NON CHERET MOSSIGARE SU MATZONE, CA SU MATZONE NON CHERET LEARE A PULIGHITA, CHI SOS OOS NON SI PONET A FÀGHERE PRO TORRARE S'OU A COMARE”.

“NONO, NON NCHE L'ISTUDO”.

“BOE, BUFA-DI S'ABBA, CA S'ABBA NON CHERET ISTUDARE SU FOGU, CA SU FOGU NON CHERET BRUSIARE SU FUSTE, CA SU FUSTE NON CHERET ISCÙDERE SU CANE, CA SU CANE NON CHERET MOSSIGARE SU MATZONE, CA SU MATZONE NON CHERET LEARE A PULIGHITA, CHI SOS OOS NON SI PONET A FÀGHERE PRO TORRARE S'OU A COMARE”.

“NONO, NON NDE BUFO”.



CANNAU, LIGA SU BOE, CA SU BOE NON CHERET BUFARE S'ABBA, CA S'ABBA NON CHERET ISTUDARE SU FOGU, CA SU FOGU NON CHERET BRUSIARE SU FUSTE, CA SU FUSTE NON CHERET ISCÛDERE SU CANE, CA SU CANE NON CHERET MOSSIGARE SU MATZONE, CA SU MATZONE NON CHERET LEARE A PULIGHITA, CHI SOS OOS NON SI PONET A FÀGHERE PRO TORRARE S'OU A COMARE”.

“NONO, NON LU LIGO”.

“SÒRIGHE, RÒSIGA SU CANNAU, CA SU CANNAU NON CHERET LIGARE SU BOE, CA SU BOE NON CHERET BUFARE S'ABBA, CA S'ABBA NON CHERET ISTUDARE SU FOGU, CA SU FOGU NON CHERET BRUSIARE SU FUSTE, CA SU FUSTE NON CHERET ISCÛDERE SU CANE, CA SU CANE NON CHERET MOSSIGARE SU MATZONE, CA SU MATZONE NON CHERET LEARE A PULIGHITA, CHI SOS OOS NON SI PONET A FÀGHERE PRO TORRARE S'OU A COMARE”.

“NONO, NON LU RÒSIGO”



“GATU, MÀNDIGA SU SÒRIGHE, CA SU SÒRIGHE NON
CHERET ROSIGARE SU CANNAU, CA SU CANNAU NON
CHERET LIGARE SU BOE, CA SU BOE NON CHERET BUFARE
S’ABBA, CA S’ABBA NON CHERET ISTUDARE SU FOGU, CA
SU FOGU NON CHERET BRUSIARE SU FUSTE, CA SU FUSTE
NON CHERET ISCÙDERE SU CANE, CA SU CANE NON CHERET
MOSSIGARE SU MATZONE, CA SU MATZONE NON CHERET
LEARE A PULIGHITA, CHI SOS OOS NON SI PONET A
FÀGHERE PRO TORRARE S’OU A COMARE”.



E SU GATU RISPONDEIT:

“LU MÀNDIGO, LU MÀNDIGO”.

E SU SÒRIGHE RISPONDEIT:

“LU RÒSIGO, LU RÒSIGO”.

E SU CANNAU RISPONDEIT:

“LU LIGO, LU LIGO”.

E TANDO FINEIT CHI SU BOE BUFEIT S’ABBA, CHI S’ABBA ISTUDEIT SU FOGU, CHI SU FOGU BRUSIEIT SU FUSTE, CHI SU FUSTE ISCUDEIT SU CANE, CHI SU CANE MOSSIGHEIT SU MATZONE, CHI SU MATZONE LEEIT A PULIGHITA, CHI SOS OOS SI PONZEIT DERETA A FÀGHERE PRO TORRARE S’OU A COMARE.

